



Asociacioni i Komunave të Kosovës

**R R E G U L L O R J A
E P U N Ë S**

**KOLEGJIMI I ZYRTARËVE LIGJOR
TË KOMUNAVE TË KOSOVËS**

2018

Me qëllim të realizimit të kërkesave të Kolegjiut të Zyrtarëve ligjor të Komunave të Kosovës, përkrahur nga **Asociacioni i Komunave të Kosovës** me seli në Prishtinë, kolegjiut në mbledhjen e mbajtur më 23.2.20011, miratoi :

RREGULLOREN E PUNËS SË
KOLEGJIUT TË ZYRTARËVE LIGJOR
TË KOMUNAVE TË KOSOVËS

I.DISPOZITAT E PËRGJITHSME

Qëllimi

Neni 1

1.1 Me këtë rregullore përcaktohet organizimi dhe mënyra e punës së Kolegjiut të Zyrtarëve ligjor të Komunave të Kosovës (në tekstin e mëtejshëm: Kolegjiut);

1.2 Çështjet dhe kërkesat me rëndësi nga fushëveprimi i Kolegjiut shqyrtohen në Kolegjiut. Kolegjiut jep mendime dhe propozime veçanërisht për:

- a) ndihma profesionale që do t'i bëhet Kryetarit, Kuvendit dhe trupave ndihmëse (komiteteve) lidhur me procesin e marrjes së vendimeve;
- b) ndihma në zbatimin e ligjeve, urdhërësive, instruksioneve, vendimeve që kanë të bëjnë me punën e drejtorive komunale, Kolegjiuteve apo Asociacionit të Komunave të Kosovës, nëse nuk është paraparë ndryshe;
- c) ndihmën, apo dhënien e kontributit nëpër Grupe Punuese për hartim të legjislacionit, apo shërbimeve tjera varësisht prej nevojave të Kolegjiut, Komunës apo të Asociacionit të Komunave të Kosovës;
- d) bashkëpunimin me Kolegjiutet tjera, Komunit, institucionet e Republikës së Kosovës;
- e) bashkëpunimin me partneret vendor e ndërkombëtar, të Kolegjiuteve, Komunave, Asociacionit të Komunave të Kosovës - së etj;

II.PËRBËRJA E KOLEGJIUT

Neni 2

2.1 Kolegjiutin e përbëjnë shefat e Zyreve ligjore dhe zyrtaret ligjor të Komunave të Kosovës, të caktuar me kontratë apo të emëruar nga Kryetari i Komunës;

2.2 Mandati i anëtarit të Kolegjiut do të varet nga kohëzgjatja e kontratës të tij si zyrtar ose nga Vendimi i Kryetarit të Komunës;

2.3 Kolegjiut ka kryesinë e punës të përbërë prej 5 anëtarëve, me mandat 4 vjeçar;

2.4 Pas mandatin 4 vjeçar, mund të i vazhdohet edhe 4 vite, por jo më shumë se dy mandate ;

2.5 Kryesin e punës së Kolegjiutit e udhëheq kryesuesi e në mungesë të tij, kryesin e punes e udhëheq zëvendëskryesuesi;

2.6 Puna e Kolegjiutit realizohet nëpërmjet takimeve, të cilat thirren dhe mbahen sipas planit të përgatitur nga Asociacioni i Komunave të Kosovës dhe i miratuar nga ana e Kolegjiutit;

2.7 Kolegjiutit takohet çdo dy (2) muaj dhe brenda vitit duhet t'i mbaj më së shumti gjashtë (6) takime ;

III.PËRGATITJA DHE THIRRJA E MBLEDHJEVE TË KOLEGJIUTIT

Neni 3

3.1 Kryesuesi i Kolegjiutit apo zëvendëskryesuesi fton anëtarët e kolegjiutit, duke bërë të ditur temën e diskutimit së paku 5 (pesë) ditë para se të mbahet mbledhja;

3.2 Kolegjiutit ka kuorum nëse më shumë se gjysma e anëtarëve marrin pjesë në mbledhje;

3.3 Rekomandimet dalin me shumicë të votave ;

IV.UDHËHEQJA E PUNËS DHE VENDOSJA NË MBLEDHJE

Neni 4

4.1 Mbledhjet e Kolegjiutit sipas kësaj rregulloreje i udhëheq kryesuesi, në mungesë të tij zëvendëskryesuesi apo njëri nga anëtarët e kryesisë së Kolegjiutit do të udhëheq me takim;

4.2 Para fillimit të mbledhjes, vërtetohet kuorumi i mjaftueshëm i anëtarëve, pastaj procedohet me rendin e ditës;

Neni 5

5.1 Kryesuesi i Kolegjiutit, hap mbledhjen dhe njofton anëtarët se a pajtohen me rendin e ditës të propozuar. Pas miratimit të rendit të ditës, fillon mbledhja sipas pikave të rendit të ditës;

5.2 Pika për rendin e ditës mund të propozojnë edhe anëtarët e Kolegjiutit;

Neni 6

Anëtarët e Kolegjiutit marrin pjesë në diskutim për të gjitha pikat e rendit të ditës, kërkojnë shpjegime, shtrojnë pyetje dhe kërkojnë përgjigje nga referuesit;

Neni 7

7.1 Shqyrtimi i pikave të rendit të ditës udhëhiqet veç e veç , sipas rregullit së pari në parim e pastaj në veçanti;

7.2 Mënyrën e udhëheqjes së shqyrtimit e propozon kryesuesi. Kryesuesi mund të propozojë që koha e shqyrtimit të zgjatë p.sh. 5(pesë) minuta dhe për replikë edhe 1 (një) minutë;

Neni 8

8.1 Askush nuk mund ta marrë fjalën në diskutim para se t'ia japë fjalën kryesuesi, të ndërhyjë në fjalë pjesëmarrësit në diskutim, apo në ndonjë mënyrë të pengojë punën e mbledhjes;

8.2 Kryesuesi ka të drejtë që anëtarit, i cili e pengon punën normale të mbledhjes, t'ia japë vërejte, t'ia marrë fjalën e në rast të prishjes së rendit të ditës ta largojë edhe nga mbledhja;

Neni 9

9.1 Diskutimi sipas pikave të veçanta të rendit të ditës zgjatë sipas rregullës deri sa të mbarojnë diskutimet e të gjithë të paraqiturve;

9.2 Kryesuesi mbyll diskutimin dhe propozon që të kalohet në përmbledhje të diskutimit;

9.3 Në bazë të propozimeve në material, mendimeve të paraqitura gjatë diskutimeve, kryesuesi formulon rezymetë apo rekomandimet dhe të njëjtat i paraqet për votim;

Neni 10

10.1 Mbi propozimet e vendimeve vendoset me votim të hapur, i cili bëhet me ngritjen e dorës, ndërsa rezultatet e votimit vërtetohen me numërim;

10.2 Vendimi konsiderohet i aprovuar, nëse për atë deklarohen me shumë se gjysma e anëtarëve të pranishëm;

V. RAPORTI

Neni 11

11.1 Për çdo takim mbahet një raport, nga ana e zyrtarëve të AKK-së.

11.2 Raporti bëhet publik, iu shpërndahet të gjithë shefave-zyrtarëve ligjor të komunave;

11.3 Raporti publikohet në web faqe, facebook , buletin ;

VI. DISPOZITAT KALIMTARE DHE TË FUNDIT

Neni 12

Çështjet që nuk janë rregulluar me këtë rregullore, rregullohen me vendime të veçanta të kolegjiut;

Neni 13

Me hyrjen në fuqi të kësaj rregulloreje, shfuqizohet rregullorja e kaluar e datës.

Neni 14

Kjo rregullore hyn në fuqi ditën e miratimit dhe zbatohet nga dita e miratimit të saj.

Prishtinë
Datë:06.02.2018

KRYESUESI I KOLEGJIUMIT

Hevzi Matoshi